

1 Timoteo

He⁻ la⁻ to⁻nē' je⁻ he⁻ ga⁻sii' Paa' kih' Timotä

1 ¹ Jnä' Paa' laan' apóstol kyaa' Jesucristo lä⁻hih⁻ kih' Dio hi⁻ lää~ jne' hi⁻ lä⁻hih⁻ kih' Jesucristo Dsa⁻jøøh' jnän` hi⁻ kye⁻n' o⁻jøh⁻ dsē⁻ kih'. ² Siin⁻ kyah' Timotä, hne⁻ hi⁻ laa' lä⁻koo⁻ gyuu⁻ kyaan⁻ lä⁻llu' he⁻ jään⁻ hne⁻ jwē' kih' Dio. Ngii⁻n' kih' Dio hi⁻ laa' Täa` jnän` hi⁻ kih' Cristo Jesús Dsa⁻jøøh' jnän` wa' kway' lä⁻jē⁻ he⁻ llu' kyah', wa' lä⁻ñih' dsēy' hne⁻, hi⁻ wa' jmeey' hii' ti' kyah'.

Ga⁻jmeey' Paa' mada' kih' Timotä mah'
hlēeyh' dsa⁻ hi⁻ kwa⁻ juu' ta⁻juu'

³ Jää' sa⁻ ga' ma⁻ngoon⁻ ta⁻ hwa' Macedonia, ga⁻jwēēhn' hne⁻ he⁻ jäh' jwii⁻ Éfeso na⁻ mah' hah' kih' ko⁻llaa' hi⁻ mi⁻gaa⁻ dsa⁻ kyaah' juu' ta⁻juu'. ⁴ Ni⁻ ta⁻ kwa⁻ jwē' jmeey' he⁻ kih' lä⁻jē⁻ juu' ma⁻gyuh⁻ kiyh', ni⁻ he⁻ jmeey' juu' ha⁻ lä⁻ ma' laa' ma⁻hyaa' ta⁻gyuu⁻h' jnän`. Sa⁻ cha⁻jee' llaa⁻ juu' ja⁻. Koo⁻ llay⁻ hni⁻ ba' ja⁻. Sa⁻ dsoo' ta⁻ cha⁻nē' juu' kih' Dio kyaah' juu' ja⁻. He⁻ dsoo' dsē⁻ jne' kih' Dio, he⁻ ja⁻ ba' jmää' kih' dsa⁻. He⁻ ja⁻ jwahn⁻ ka⁻läh', ja⁻ jäh' Éfeso na⁻ mah' jmeeh' he⁻ ga⁻jwēēhn' hne⁻ jää'.

⁵ He⁻ hnoon' lä⁻hnää' dsa⁻ øøh⁻ kyaah' koo⁻ nēē' ba' huu⁻dsē⁻, he⁻ ja⁻ ba' ma⁻jmeen' mada' lä⁻na⁻. Peer⁻ cher'mah' hni⁻ huu⁻dsē⁻ kiyh' hi⁻ cher'mah' koo⁻ jäh' bih' he⁻ ma⁻dsoo' dsēy' kih' Dio, sa⁻ jmää' kiyh' he⁻ jäh' hnäy' øøyh'. ⁶ Kih' he⁻ ga⁻jmeey' ko⁻llaa' dsa⁻ ta⁻ koo' he⁻ hnäy' øøyh', he⁻ ja⁻ ga⁻näy' kyaah' juu' he⁻ sa⁻ jmää' ta'. ⁷ Hnøoy' jmääy' hñiiy' jaa⁻ hi⁻ kyuu⁻h⁻ ley kih' Dio, pero ni⁻ he⁻ hlēeyh⁻ sa⁻ ngēey', ma⁻ke⁻ kway' juu' lä⁻kaa⁻ tuh⁻dsēy'.

⁸ Pero ma⁻ñe' ba' jne', llu' ba' ley kih' Dio wa⁻ra⁻ jäh' kih' ngēē' jne' hee⁻ kih' jmää' ley ja⁻. ⁹ Ñe' ba' jne' sa⁻ ga⁻kwa' Dio ley kih' hi⁻ jmee⁻ he⁻ llu'. La' kih' hi⁻ ma⁻hlääh⁻, kih' hi⁻ chaah⁻, kih' hi⁻ na⁻hee⁻ dsē', kih' hi⁻ jmee⁻ dso⁻kye⁻, kih' hi⁻ sa⁻ kyaah' Dio, kih' hi⁻ sa⁻ cha⁻nuu⁻h' kih', kih' hi⁻ jngēēh⁻ cho⁻jmi⁻, kih' hi⁻ jngēēh⁻ dsa⁻kyaah', kih' hi⁻ he' ba' hnøø' ley ja⁻. ¹⁰ Kih' dsa⁻mē' dsa⁻nūuh⁻ hi⁻ kaah⁻ wa' hi⁻ cha⁻ hi⁻, kih' dsa⁻mē' o⁻ dsa⁻nūuh⁻ hi⁻ kaah⁻ ja⁻ba' dsa⁻kyaah', kih' hi⁻ hēē⁻ dsa⁻ mah' hnēy⁻, kih' hi⁻ ta⁻juu', kih' hi⁻ jmee⁻ ju⁻dsoo' kih' juu' ta⁻juu', hi⁻ la' kih' hi⁻ hnøø' lla⁻dsēē⁻ kih' ju⁻dsoo' he⁻ kwa⁻ jnääh' la', ¹¹ lä⁻koo⁻ lle⁻ ju⁻hmēē' he⁻ na⁻hñaan⁻ kwan'. He⁻ ba' che⁻ na⁻hñaah' la' ju⁻hmēē' kih' Dio hi⁻ laa' Täa` jnän`.

Cha⁻miih⁻ ga⁻lä⁻ñih' dsē' Dio kih' Paa'

¹² Kwan⁻ ti⁻hmaah' kih' Cristo Jesús Dsa⁻jøøh' jnän` hi⁻ kwa⁻ be' kin'. Jēēh', ga⁻jmäy' jnä' kwaat⁻ he⁻ mi⁻ten⁻ kiyh', he⁻ ja⁻ ga⁻hñaay' jnä' mah'

jmeen` ta` kiyh¹. ¹³ Jää¹ sa⁺ ga⁺ ma⁻tëeyh⁺ jnä⁺ ga⁻mi⁻kwah⁻ jnih⁺. Ga⁻ngën¹ jmeen⁺ hñaa⁻ dsën⁺ kih¹ dsa⁻ kyaay¹, ma⁺ hään¹ jwërte. Pero ga⁻lä⁻ñih⁺ dsë¹ Dio jnä⁺, jëeh⁺ sa⁺ ma⁺ man⁺ hee⁻ ja⁻ ma⁺ jmeen⁺, hi⁺ sa⁺ ma⁺ heen⁺ kih¹ ju¹dsoo⁺. ¹⁴ Ha⁻ koh⁺ sa⁺ llu¹ dsë¹ Dsa⁻jøøh¹ jnän⁻ kyaah⁺ jnä⁺. Ga⁻jmeey⁺ ga⁻lä⁻dsoo⁺ dsën⁺ kiyh¹ hi⁺ ga⁻jmeey⁺ he⁻ ga⁻lä⁻hnaan⁺ dsa⁻ ta⁻la⁺ kih¹ Cristo Jesús.

¹⁵ Juu¹ he⁻ jwahn⁺ la⁻, la¹ dsoo⁺ hi⁺ hnøø¹ heeh⁺ ga⁻lä⁻jëë⁺ dsa⁻. Ja¹ Cristo Jesús jmi⁻gyuu⁺ la⁻ mah¹ lääy¹ dsa⁻ hi⁻ jmee⁺ he⁻ hliih¹. Hi⁺ jnä⁺ laan¹ to⁻në⁺ kih¹ jee⁺ lä⁻jëë⁺ hi⁻ jmee⁺ lä⁻ja⁻. ¹⁶ Kih¹ he⁻ja⁻ ba⁺ na⁻, ga⁻lä⁻ñih⁺ dsë¹ Dio jnä⁺, mah¹ mi⁻jnää⁺ Cristo Jesús ta⁻la⁺ ki⁺ jnä⁺ ha⁻ lä⁻koo⁻ jøh⁻ dsëy¹. Jëeh⁺, cha⁻ga⁺miih⁻ he⁻ hliih¹ ga⁻jmeen¹ lä⁻koh⁺ ga⁺ he⁻ jmee⁺ jñah⁺. Lä⁻jwë⁺ ja⁻, ka¹ kwaan⁺ hi⁻ na¹ ga⁺ heeh⁺ kih¹ Jesús, ha⁻ koh⁺ sa⁺ lä⁻jøh⁻ dsë¹ Jesús kyaay¹, mah¹ jmeey¹ chaay⁻ lä⁻jë⁺ joh⁺ jmi⁺ cha⁻. ¹⁷ Lä⁻ja⁻ wa⁺ la¹ juuh⁻ kih¹ Dio hi⁺ wa⁺ laay¹ jøøyh¹. Sa⁺ chaa⁻ ga⁺ jñah⁺ Dsa⁻ta⁺ hi⁻ jøøh¹ ga⁺, hi⁻ sa⁺ juu⁺ jih¹koh⁺, hi⁺ ni⁺ sa⁺ tëë¹ jne⁺ jëë⁺ jnih⁺, jaa⁻ hñii⁺ bih¹ laay¹ Dio hi⁻ kyuu⁺. Wa⁺ la¹ lä⁻ja⁻.

¹⁸ Timotä, gyuu⁻ kyaan⁺, kwëehn⁺ hne⁻ nuuh⁻ la⁻, ja⁻ba⁺ lä⁻koo⁻ juu¹ he⁻ ga⁻mi⁻jnää⁻ Dio kih¹ hi⁻ ga⁻hlëeh⁺ kyah¹ jää¹. Ja⁻ mi⁻dsooh⁻ hoh⁺ lä⁻koo⁻ ga⁻jäh⁺ hi⁻ he⁺ mah¹ tëëh¹ be⁺ jmeeh¹ ta⁺ lä⁻jiih¹ jee⁺ le⁺. ¹⁹ Hnøø¹ lä⁻ ma⁻dsoo⁺ ja⁻ba⁺ hoh⁺, hi⁺ lä⁻ ma⁻jmeeh⁻ ja⁻ba⁺ he⁻ llu¹ jmah¹ mah¹ sa⁺ hñii¹ huu⁺dsë⁻ kyah¹. Ko⁻llaa⁺ dsa⁻ sa⁺ ga⁻jmeey⁺ he¹ lä⁻koo⁻ ya⁻näy¹ kyaah⁺ huu⁺dsë⁻ kiyh¹, he⁻ja⁻ ga⁻heey¹ hñiiy⁺, mo⁺so⁺ ga⁻näy¹ ta⁺ cha⁺në⁺. ²⁰ Uu¹ hi⁻ ga⁻jmeey⁺ lä⁻ja⁻ chee⁻ Himeneo kyaah⁺ Leja⁺. Hi⁻ he⁺ ga⁻ngëen⁻ kih¹ Tana⁺ mah¹ lä⁻ja⁻ mi⁻tëey⁺ sa⁺ mi⁻kwayh¹ Dio.

Ha⁻ lä⁻ chuuy⁺ jne⁺ kyaah⁺ Dio kih¹ lä⁻jëë⁺ dsa⁻

2 ¹ Chuun⁺ kyaah⁺ hne⁻ to⁻në⁺, wa⁺ ngii⁺ jne⁺ kih¹ Dio mah¹ wa⁺ le⁺ llu¹ kih¹ lä⁻jëë⁺. Wa⁺ hlëeh⁺ jne⁺ Dio lä⁻jë⁺ he⁻ lla⁺ dsë⁻ jne⁺ hi⁺ wa⁺ chiihn¹ Dio lä⁻jë⁺ he⁻ chaa⁻ jne⁺, hi⁺ wa⁺ kwan⁺ ti⁺hmaah⁺ kiyh¹. ² Lä⁻ja⁻ hnøø¹ ngii⁺ jne⁺ kih¹ lä⁻jëë⁺ hi⁻ kye⁻ ta⁺ hi⁺ lä⁻kye⁻ dsa⁻ta⁺ mah¹ mah¹ kway¹ jwë¹ dsa⁻toohn¹ llu¹ hii¹ ti⁺ jnän⁻. Hi⁺ lä⁻ja⁻ cha⁻ jwë¹ hnäähn¹ Dio, hi⁺ jmeen⁺ lä⁻koo⁻ lle⁻ kih¹. ³ He⁻ la⁻ ba⁺ ja⁻ he⁻ llu¹ he⁻ tih⁻ dsë¹ Dio hi⁻ lää⁻ jne⁺. ⁴ Dio hnøø¹ he⁻ lää⁺ lä⁻jëë⁺ dsa⁻ hi⁺ hnøøy¹ lä⁻ngëë⁺ dsa⁻ ha⁻ lä⁻ la¹ ju¹dsoo⁺. ⁵ Jëeh⁺, jaa⁻ ba⁺ Dio laa¹ hi⁺ lä⁻ja⁻ jaa⁻ ba⁺ dsa⁻nñuuh⁻ chaa⁻ hi⁻ mi⁻ee⁺ juu¹ kih¹ dsa⁻ kyaah⁺ Dio. Dsa⁻nñuuh⁻ he⁺ chee⁻ Jesucristo. ⁶ Ga⁻ngëey¹ hñiiy⁺ he⁻ ga⁻juuy¹, mah¹ lääy¹ lä⁻jëë⁺ dsa⁻. He⁻ la⁻ ga⁻mi⁻jnää⁻ Dio ma⁺ ga⁻lloo¹ jmi⁺ ja⁻. ⁷ He⁻ja⁻ ga⁻hñaa¹ jnä⁺ laan¹ apóstol mah¹ kwan⁺ juu¹ kiyh¹. Ñe⁻ ba⁺ Cristo, hlëehn¹ ju¹dsoo⁺, sa⁺ ta⁺ juun¹. Na⁻hñaan⁺ mi⁻tëen¹ dsa⁻ hi⁻ sa⁺ laa¹ judiu, hee⁻ ja⁻ he⁻ dsoo⁺ dsë¹ jne⁺ hi⁺ hee⁻ ja⁻ ju¹dsoo⁺.

⁸ He⁻ja⁻ hnoon¹ lä⁻jëë⁺ dsa⁻nñuuh⁻ hi⁻ chaa⁻ lä⁻kaa⁻ jmi⁻gyuu⁺ chuuy¹ kyaah⁺ Dio. Hi⁺ wa⁺ra⁻ ga⁻hlëeyh⁺ kyaah⁺ Dio chooy¹ gooy⁻ ta⁺ gyuu⁺, hnøø¹ na⁻jngëey¹, sa⁺ lleey⁺, hi⁺ sa⁺ hneey⁻.

⁹ Lă'jā jwahn̄ ka'läh' kih' dsā-mě', wa' kyeyh' hmiih' kyaah' koō nēē' ba' huud̄sē lä'koō lle' kih' hī hnaah' Dio. Hi' wa'ra' ga'j̄naay' lley' sa' llu' jmeey' jih'gyeh' na'beh' kyaah' ñe' nøø' o kuu' he' hmooh', ni' he' këyh' hmiih' hmooh'. ¹⁰ Lla' he' jā, wa' jmäy' hñiiy' na'hnaah' kyaah' lä'jē' ta' llu', lä'koō lle' kih' dsā-mě' hī hnaah' Dio.

¹¹ Hi' sa' sooh' kih' dsā-mě' he' tooyh' miih' jee' kwa' dsa' juu', hnøø' nuuyh' kih' juu' he' nuuy'. ¹² Sa' kwan' jwē' kih' dsā-mě' he' mi'tēy' dsā-nuuh', ni' sa' le' kay' nē' kih' dsā-nuuh'. Hnøø' dsā-taayh' to'kē' ba'. ¹³ Jēeh', Dio ga'jmäy' Adán to'nē'. Kēē' ga' ga'jmäy' Eva. ¹⁴ Hi' ja' kih' Adán ga'mi'goō hi' sa'llu'. Kih' dsā-mě' ba' ga'mi'gooy'. Kih' he'ja' ba' ga'lä'cha' dso'kye' kiyh'. ¹⁵ He'ja' ga'jäh' Dio kih' dsā-mě', jēy' wii' jee' lä'chaa' gyuu' kyaay', pero lää' bih' cher'mah' ngoo' ba' dsoo' dsēy' kih' Dio hi' lä'jā hnøø' hnäy' dsā, hnøø' na'jngēy', hi' hnøø' dsā-taayh' lä'koō lle' kih'.

Ha' lä' hnøø' jmee' hi' kye' nē' kih' øøh' jne'

3 ¹ Jwahn' dsoo', cher'mah' chaa' hi' hnøø' ka' nē' kih' øøh', ta' llu' ba' ja' hnooyh'. ² Pero hi' hä' goo' ta' ja', jmee' bii' laay' jaa' hi' sa' na'bääh' ni' miih' dsoo', jaa' dsā-nuuh' hi' kyaah' jaa' ba' dsā-mě', jaa' hi' ngē' koō nēē' ba', jaa' hi' hää' hñii', jaa' hi' hä' ta' kih', jaa' hi' kwa' jee' jä' dsa' hi' go'nää', jaa' hi' lih' mi'tēē' dsa'. ³ Sa' le' ka' nē', jaa' dsa' lla'hiih'. Hnää' jaa' hi' sa' hnee', jaa' hi' jøh' dsē' hi' sa' ti'choo' juu', jaa' hi' sa' hee' dsē' kuu', ⁴ jaa' hi' lih' lla' ta' cha'neh' kih', jaa' hi' lih' kwēeh' nuuh' joo' mah' sa' jiiyh' juu' kyaayh'. ⁵ Cher'mah' chaa' jaa' hi' sa' lih' lla' ta' cha'neh' kih', cha' ba' lä'jā, kay' nē' kih' gwah' kih' Dio? ⁶ Jaa' øøh' jne' hi' hmēē', sa' le' kay' nē', wa'ra' ja' huud̄sē kiyh' jmäy' hñiiy' jøøyh', hi' jä' dso'jwii' nē' kiyh' lä'koh' ga'la' kih' hi' sa'llu'. ⁷ Hi' jee' kih' hi' sa' ma'heeh', hnøø' hii' juu' kiyh' he' jmeey' he' llu' jmah' ba', mah' sa' hlēeh' dsa' hliih' kiyh' hi' lä'jā sa' mi'goō hi' sa'llu' kiyh'.

Ha' lä' hnøø' jmee' dsa' na'lleeh' kyaa' Dio hi' kwa' juu' kiyh'

⁸ Hi' lä'jā ka'läh' kih' lä'jēē' hi' jmee' be' kih' hi' kye' nē', hnää' jaa' hi' hä' ta' kih', hi' mi'te' juu' kih', hi' sa' hih', hi' hi' sa' hee' dsē' kuu'. ⁹ Hi' hnää' jaa' hi' na'jngii' huud̄sē kih', hi' chooh' koō hweh' juu' he' ma'dsoo' dsē' jne', he' ma'lä'jnä' jnän' na'. ¹⁰ He'jā, jää' ga' hnøø' kye' jne' kwaat' che' jmäy' jmeey' ta' ja'. Ja' ga' na', le' jmeey' be' kih' hi' kye' nē', cher'mah' sa' cha' he' na'bääh'.

¹¹ Ja' ba' lä'jā kih' dsā-mě', hnøø' jaa' hi' hä' ta' kih', hi' sa' kooh' juu' jwii', hi' ngē' koō nēē' ba', hi' jaa' hi' mi'te' juu' kih'.

¹² Hi' jmee' be' kih' hi' kye' nē', wa' laay' dsā-nuuh' kyaa' jaa' ba' dsā-mě', hi' wa' liyh' llay' ta' cha'neh' kiyh', hi' wa' kwēyeh' nuuh' jooy'. ¹³ Lä'jēē' hi' ya'hēē' llu' kyaah' ta' jā, dsa'hä' ta' kiyh' jee' kih'

dsa⁻kyaayh' hi⁺ cha⁻ga'mi⁻ih⁻ lä⁺cha⁻ be' kiyh'¹ hlëy⁻h'¹ dsa⁻ ha⁻ lä⁺ la'¹ he⁻ ma⁻dsoo' dsë⁻ jne' kih' Cristo Jesús.

Jnaah' la' juu' he⁻ ma⁻lä⁻jnä' jnän`

¹⁴ Hnoon'¹ niin` na⁻jëen⁺ hne⁻ chah'¹ la⁻, pero ma⁻ra⁺ he⁻ sii⁺ ba' jnä' kyah'¹, ¹⁵ le' ga⁻ che⁻ sa⁻ ngoon'¹ chah'. Lä⁻ja⁻ lä⁻neh'¹ ha⁻ lä⁺ kah'¹ né⁻ kih'¹ dsa⁻ hi⁻ ma⁻heeh⁻ hi⁻ laa'¹ gwah⁺ kih'¹ Dio jiih⁺ hi⁻ tääh'¹ né⁻ kih'¹ ju'dsoo', hi⁺ chooyh⁻ koo⁻ hweh⁻ juu'¹ ja⁻, laay'¹ lä⁻koh'¹ ma⁻ti⁺ na⁻hyah⁻. ¹⁶ Ma⁻ra⁺ ju'dsoo', sa⁻ lä⁻këh'¹ jne' jmi⁺ lä⁻ngëen'¹ ha⁻ lä⁺ la'¹ jwë'¹ kih'¹ Dio. Pero kyaah' he⁻ na⁻sii⁻ jee' la⁻ lä⁻ngëe'¹ ba' jne' mi⁺ih⁻:

Ga⁻mi⁻jnää⁻ Dio hñii'¹ jmi⁺ gyuu⁺ la⁻, laay'¹ lä⁻koo⁻ jaa⁻ dsa⁻.

Hi⁻ he'¹ ya⁻hëe'¹ lluu'¹ ta⁻la⁺ kih'¹ Jmi⁻lle'¹ Na⁻jngii'¹.

Lä⁻jëe'¹ ángele ga⁻jëy'¹.

Hi⁺ ga⁻kwa'¹ dsa⁻ juu'¹ kiyh'¹ kih'¹ dsa⁻ hi⁻ sa⁻ laa'¹ judiu.

Ga⁻lä⁻dsoo' dsë'¹ dsa⁻ kiyh'¹, jmi⁻gyuu⁺ la⁻,

hi⁺ ga⁻heeh⁻ Dio ka⁻läh'¹ gyuu⁺h'¹ ya⁻jwii'¹.

Lloo[~] koo⁻ jmi⁺ jmee'¹ dsa⁻ ta⁻ koo'¹ ju'dsoo'

4 ¹ Na⁻hñaa'¹ lä⁻jëe⁻ ga⁻mi⁻jnää⁻ Jmi⁻lle'¹ Na⁻jngii'¹, ha⁻ lä⁺ le' wa⁻ra⁻ ga⁻të'¹ jee' llaa'¹ jmi⁺. Ko⁻llaa'¹ dsa⁻ lä⁻øø'¹ kih'¹ he⁻ ma⁻dsoo' dsë⁻ jne', nuuy'¹ juu'¹ ta⁻juu'¹ he⁻ kwa⁺ jmi⁻lle'¹ hliih'. ² iHe⁻ ba' che⁻ ta⁻juu'¹ hi⁻ kwa⁺ juu'¹ lä⁻ja⁻! Mo⁻so⁻ liiyh'¹ he⁻ jmeey'¹, jlë'¹ go⁻te⁻ huu⁻dsë⁻ kiyh'¹. ³ Mo⁻so⁻ kway'¹ jwë'¹ jee'¹ goo⁻ dsa⁻, ni⁺ sa⁻ kway'¹ jwë'¹ kuh⁻hih'¹ dsa⁻ lä⁻jë⁻ he⁻ cha⁻. Pero Dio ga⁻lla'¹ lä⁻jë⁻ he⁻ cha⁻ mah'¹ kuh⁻hih'¹ hi⁻ kwa⁻ ti⁻hmaah'¹ kiyh'¹, hi⁻ laa'¹ kyaay'¹ hi⁻ kyuu[~] ha⁻ lä⁺ la'¹ ju'dsoo'. ⁴ Jëeh'¹, lluu'¹ ba' lä⁻jë⁻ he⁻ ga⁻lla'¹ Dio he⁻ kih⁻hihn⁻. Sa⁻ cha⁻ he⁻ kih'¹ jahn'¹ sa⁻ lluu'¹, hnøø'¹ kwan'¹ ti⁻hmaah'¹ kih'¹ bih'. ⁵ Kyaah'¹ juu'¹ kih'¹ Dio hi⁺ kyaah'¹ he⁻ ngii⁻ dsa⁻ kiyh'¹, jmee⁺ na⁻jngii'¹ lä⁻jë⁻ he⁻ kuh⁻hih[~] dsa⁻.

Ha⁻ lä⁺ hnøø'¹ jmee'¹ hi⁻ hä⁻ goo⁻ ta⁻ kih' Cristo

⁶ Cher⁻mah'¹ mi⁻tëeh'¹ øøh'¹ juu'¹ la⁻, ya⁻hëeh'¹ ba' hne⁻ lluu'¹ kyaah'¹ ta⁻ kih'¹ Jesucristo, hne⁻ hi⁻ tëe⁻ be' kyaah'¹ juu'¹ he⁻ ma⁻dsoo' dsë⁻ jne', ja⁻ba⁻ ju'dsoo' he⁻ ma⁻heeh⁻ na⁻. ⁷ Mo⁻to⁻ taah⁺ hñaaah'¹ kyaah'¹ juu'¹ ma⁻gyuh⁻, kyaah'¹ juu'¹ he⁻ sa⁻ jmää'¹ ta⁻. Jmee'¹ bii'¹ hnääh'¹ Dio ba⁻. ⁸ Llu'¹ ba' mi⁺ih⁻ he⁻ koo⁻hlii'¹ jne'. Pero cha⁻ga'mi⁻ih⁻ lluu'¹ he⁻ hnääh'¹ jne' Dio. Jëeh'¹ he⁻ ja⁻ la⁻ ya⁻jøø⁻ jnän` jmi⁻gyuu⁺ la⁻ hi⁺ lä⁻ja⁻ ka⁻läh'¹ jmi⁻gyuu⁺ he⁻ na⁻ ga⁻ lä⁻jnä'. ⁹ Juu'¹ la⁻, la⁻ dsoo' hi⁺ jmee⁺ bii'¹ heeh⁺ lä⁻jëe⁻ dsa⁻. ¹⁰ He⁻ja⁻ ba' kwa⁻ jne' be' lä⁻jiih'¹ jee' le', kih'¹ he⁻ kyé⁻ jne' o⁻jøh⁺ dsë⁻ kih'¹ Dio jiih⁺, hi⁻ lää[~] lä⁻jëe⁻ dsa⁻. Pero lä⁻jëe⁻ hi⁻ ma⁻heeh⁻ kiyh'¹, hi⁻ he'¹ ba' lää'. ¹¹ Ja⁻ mi⁻tëeh'¹ dsa⁻ juu'¹ la⁻, hi⁺ jwiih'¹ hñii'¹ jmee⁺ bii'¹ mi⁻tey'. ¹² Ni⁺ jaa⁻, ta⁻ wa⁻ mi⁻kwah⁺ hne⁻ kih'¹ he⁻ mäh'. Jlé'¹ jwë'¹ kiyh'¹. Jmee'¹ ba' hne⁻ kwee⁻ mah'¹ ka⁻ né⁻ hi⁻ ma⁻heeh⁻ juu'¹ kih'¹ Dio lä⁻koo⁻ jmeeh⁻ hñaaah'¹: ha⁻ lä⁺ hlëeh'¹, ha⁻ lä⁺ jmeeh⁻, ha⁻ lä⁺ hñaaah⁺ dsa⁻kyaah'¹, ha⁻ lä⁺ ma⁻dsoo'

hoh' kih' Dio hi' ha- lä- ngëh- kyaah' koo- nëe' ba' huudsë. ¹³ Ta'ko_jiih' sa' ga' ma_lloon', ja- hëh- ba' hne- juu' kih' Dio, ja- hlëeh' dsa- kyaah' juu' na-, hi' ja- mi_tëeh' dsa- ka_läh'. ¹⁴ Ta' ya_tu' ta' he- ga_hñah' kih' Dio lä' ma' ga_kye- dsa_gyuuu' goo- në' kyah'. Ga'ngëey' juu' he- ga_mi_jnäa- Dio kiyh', ga_hlëeyh' kih' ta' he- ma_hñah' kih' Dio.

¹⁵ He_ja- ta' hwa- jee' jmeeh- ta' ja-. Jmee' ba' hne- he' mah' lii' ga_llooh' ba' hne- ta' cha_në'. ¹⁶ Hä- hñah' hi' leeh' wa'ra- ga_mi_siih' juu' na-. Ja- mi_teh' ba' hne-. Cher'mah' ga_llooh' ba' hne- jmeeh- lä_na-, lääh' hñah' hi' lääh' lä_jëe' hi- nuu- juu' he- kwah-.

Ha- lä' dsa'toohn' kyaah' hi- ma_heeh- juu' kih' Dio

5 ¹ Ta' hlëeh' dsa_nuuu- ma_gyuh- wa' la' cha- la', hlëeyh' kyaah' juu' llu' ba' lä_koh' jaa- tä- kyaah'. Hi' lä_ja- kih' hi- kwaa-, hlëeyh' lä_koh' dsa_nuuu- øøh' ba'. ² Lä_ja- kih' hi- laa' dsa- ma_hyaa-, hlëeyh' lä_koh' maa' kyaah'. Hi' kih' hi- laa' dsa_më' kwaa-, hlëeyh' lä_koh' dsa_më' øøh' ba'. Wa' na_jngii' go_te- huudsë- kyah' kyaayh'.

³ Cher'mah' dsoo' chaa- dsa_më' hi- hñii', kwa' be' kiyh'. ⁴ Pero cher'mah' chaa- dsa- hñii' hi- chaa- joo', chaa- gyuu- llooy', hi- he' ba' ga_tëe' jmee' be' kiyh' to_në', lä_koo- lle' kih' hi- hñah- Dio, lä_llu' he- ga_mi_kwaa- cho_jmiiy-. He- ja- ba' llu' hi' tih- dsë' Dio. ⁵ Cher'mah' chaa- jaa- ma'ra- hi- dsoo' hñii', hi- ma_jä' hñii' go_te-, hi- he' ba' kye- o_jøh' dsë- kih' Dio, hlëeyh' kyaah' Dio, hi' ngiiy' kiyh' lä_jmii' lä_hwë'. ⁶ Pero dsa_më' hñii' hi- jmee- lä- ngii' jmi_ngo' kih', na_juuy' jee' ka- Dio ma_ke' jiiyh' jmi_gyuu' la-. ⁷ Kwa' ba' hne- juu' la-, mah' ni' jaa- sa' wa' jä' na_bääh' dsoo'. ⁸ Cher'mah' chaa- hi- sa' jmee- he' kih' hi- chaa- kyaay', he- ma_bey' he- ma_dsoo' dsëy' ba' ja-. Hi' jmeey' hñiih' cha_gamiih- cher'mah' sa' hääy- hi- tääh' cha'neh' kiyh'. Hlëeh' gyih' lä_koh' ga' hi- sa' ma_heeh- go_te-.

⁹ Cher'mah' chaa- dsa_më' hñii', hi- hää' la' ga' to_lo_gya' dsë- gya' jii_në-, hi- he' ba' cha- jwë' lla_llee' je- mah' hyoyh- he- jmee- bii' kiyh', cher'mah' ma_laay' më' jaa- ba' dsa_nuuu-. ¹⁰ Jmee- bii' jaa- dsa_më' hi- hii' juu' jmee- he- llu' jmah', hi- ga_mi_kwaa- joo', hi- ga_kwa' jee' ga_jä' dsa-, hi- ga_jmää' hñii' hwa- mah' ga_jmeey' ta'he' kih' hi- laa' kya- Dio, hi- ga_jmee' be' kih' hi- jëe- wii', hi- ma' tëe' jmee- he- llu' jmah'.

¹¹ Pero dsa- hñii' hi- kwaa-, sa' cha- jwë' kiyh' lla_llee' je-, wa'ra- ja' dsëy' kaay' jñah' dsa_nuuu- hi' sa- lä_täay- mi_tey' ta' kih' Cristo. ¹² Jee' ja- ma-na_bäayh', kih' he- ma_hläayh- kyaah' hmooh' he- ga_jmeey' to_në'. ¹³ Hi' ja- ma_la- he- ja- jmeey', lä_jwëeyh' hi' lä_tëey- ngëy' lä_joh' hne' chih'. Hi' kooyh' juu' jwii', hi' taayh- hñiiy' jee' sa' ga_tëey' jëey', hi' llay' juu' he- sa' ga_tëey' hlëeyh'. ¹⁴ Dsa_më' hñii' hi- kwaa-, hnoo' ga_jnä' he- kaay' dsa_nuuu-, mah' lä_chaa- jooy' hi' jmeey' ta'he' cha'neh' kiyh'. Hi' hnøø' liiyh' kih' lä_jëe' he- jmeey'. Lä_ja- jlë' jwë' kih'

hī nāhøøh' hī hlëeh' wī' kiyh'. ¹⁵ Chaā kōllaa' dsāmë' hnī' mātuy' juu' kih' Dio mah' jmeey' lä' jøø' Tana' kiyh'.

¹⁶ Cher'mah' cha'neh' kih' øøh' jne' hī më' hī ñuuh' chaā jaā dsāmë' hnī', wa' hnøø' bih' lä'jë' he' jmee' bii' kiyh' mah' sa' jmee' hii' kih' gwah'. Jāga' na' lä'tää' gwah' kwa' be' kih' dsā hnī' hī sa' chaā kyaa' go'tē.

¹⁷ Dsāgyuuh' hī tääh' ta'jää' gwah', lle' kih' hyoyh' to' jaa'. Pero jmee' bii' hyoh' to'në' hī kwa' juu' kih' Dio, hi' lä'jā hī mi'tëë' dsā.

¹⁸ Lä'jā na'sii' juu' kih' Dio: "Sa' llu' na'hñuuh' hoo' kya' jee' pe'jleeyh' kyah' kih' mi'trigo." Hi' lä'jā na'sii' ka'läh': "Hī jmee' ta', lle' kih' tëëyh' jñeey'."

¹⁹ Ta' jmee' he' juu' kih' hī bääh' dsoo' dsāgyuuh' kyaa' gwah' cher'mah' sa' chaā uu' uu' hī jmee' ju'dsoo'. ²⁰ Cher'mah' ngoo' bih' jmeey' he' hliih', hlëëyh' to'lo' në' jee' lä'jëë', mah' lä'jā hii' goo' kih' lä'jëë'. ²¹ Jmeen' mada' kyah', ñe' ba' Dio, ñe' ba' Jesucristo Dsājøøh' jnän' hi' ñe' ángele hī na'lleeh' kyaay'. Jwëëhn' hne' høø' lä'jë' juu' lā. Jmee' kwee' lä'hii' në', ta' wa' hnaah' ma'la' uu' uu' ba'. ²² Ta' hñaa' tä'be' hī ka' në' kih' øøh' jne' mah' kyeh' gooh' në' kiyh' mah' sa' dsābääh' dso'kye' kiyh'. Hää' hñaa'h', wa' na'jngëeh' kih' lä'jë' he' hliih'.

²³ Na' ta' cha'në' mo'to' huh' jmi'dsë' jmah', hih' miih' jmih' mi'jëh' ma'ää' kih' he' dsaah' tuh' hi' kih' he' dsālä'dsaah' ko'lla'jiih'.

²⁴ He' hliih' he' jmee' ko'llaa' dsālä'jnä' jmi'gyuuh' la' jää' ja'ga' lla' Dio ta'. Pero he' hliih' he' jmee' jñah', lä'jnä' wa'ra' ga'të' jee' lla' Dio ta'. ²⁵ Hi' lä'jā, dsālä'jnä' ta' llu'. Pero cher'mah' cha' ta' llu' he' sa' na'jnä', ma'ra' he' lä'jnä' ba' këë'.

6 ¹ Hīh' hī jmee' ta' kih' dsa', hnøø' cha' nuuh' kiyh' kyaah' dsājuy' mah' sa' hlëeh' dsā wī' kih' Dio, hi' ni' sa' hlëëyh' wī' kih' juu' he' ma'mi'tëë' jne'. ² Hi' cher'mah' chaā øøh' jne' hī laa' juu' ta', sa' cha' jwë' jnän' jmeen' wa' la' cha' la' kih' he' laay' øøh' jne'. Lä'llu' he' hnää' jnih', hnøø' jmeen' he' llu' jmah' kyaayh' ta'la' kih' he' laay' øøh' jne' hī jä' llu' kyaah' ta' kiyh'. He'jā mi'tëë' dsā juu' lā, hi' hlëëyh' ka'läh'.

Hii' goo' jnän' kyaah' kuu'

³ Cher'mah' chaā jaā hī mi'tëë' dsā jyoh' juu' he' sa' jeeh' kwee' kyaah' ju'dsoo' kih' Jesucristo Dsājøøh' jnän', hi' sa' jeeh' kwee' kyaah' juu' he' ma'heeh' jne', ⁴ he' jmääy' hñiiy' jøøh' ba' jā, hee' na' kyuyh', he' sa' tuy' ti'chooy' juu' jā, koo' llay' hnī' ba'. Jee' jā hwëë' hī wī' dsë', hī hnoo' hnī, hī hlëeh' wī' kih' dsa', hi' hī sa' cha' o'jøh' dsë' kih'. ⁵ Hi' lä'jā hwëë' hī chaah' hī na'hee' go'tē huudsë' kih', hī mo'so' cha' ju'dsoo' kih'. Hī he' laa', lä'chay' cha'miih' kuu', kih' he' hnaayh' Dio. Ta' jmee' ko'jøh' kyaah' dsā he'. ⁶ Jnaah' la' jnän' he'

hnääh⁺ jne⁺ Dio, pero hnøø⁺ heeh⁺ ba⁺ jne⁺ ha⁻ koh⁺ te⁺ he⁻ cha⁻ jnän⁻.
⁷ Ni⁺ miih⁻ sa⁺ cha⁻ he⁻ kyē⁺ jne⁺ ma⁺ ya⁻nøø⁺ jne⁺ jmi⁻gyuu⁺ la⁻. Hi⁺ lä⁻ja⁻
 sa⁺ cha⁻ he⁻ kii⁺ jne⁺ wa⁻ra⁻ ga⁻nøø⁺ jne⁺ ka⁻läh⁺. ⁸ Cher⁺mah⁺ cha⁻ he⁻
 kih⁻hih⁻ jne⁺ hi⁺ cha⁻ ba⁺ hmiih⁻ kyeh⁺ jne⁺, kyaah⁺ he⁻ ja⁻ ba⁺, wa⁺ chaa⁻
 jne⁺ llu⁺. ⁹ Hi⁻ hnøø⁺ lä⁻cha⁻ cha⁻miih⁻ kuu⁺, gwa⁺ dsëy⁺ jmeey⁺ he⁻ hliih⁺
 kyaah⁺ he⁻ jøø⁺ kiyh⁺. Dsa⁻lä⁻ngaayh⁺ kyaah⁺ lä⁻jë⁺ he⁻ hee⁺ dsëy⁺, koo⁻
 hnoo⁻ dsoo⁺ ba⁺ ja⁻. Kyaah⁺ he⁻ ja⁻, dsooy⁺ ta⁺ hwa⁺ mah⁺ heey⁺ go⁻te⁻.
¹⁰ Kih⁺ he⁻ hee⁺ dsë⁺ dsa⁻ kuu⁺, he⁻ja⁻ ba⁺ hya⁻ lä⁻jë⁺ nëe⁺ he⁻ hliih⁺. Kih⁺
 he⁻ hnøøy⁺ liyh⁺ cha⁻ga⁻miih⁻ kuu⁺, lä⁻ja⁻ ko⁻llaa⁺ dsa⁻ ma⁻be⁺ he⁻
 ma⁻dsoo⁺ dsëy⁺ kih⁺ Dio, he⁻ja⁻ ma⁻ja⁻ cha⁻miih⁻ wi⁺ nē⁺ kiyh⁺.

Wa⁺ kwan⁺ be⁺ kyaah⁺ juu⁺ he⁻ ma⁻heeh⁺ jne⁺

¹¹ Pero hne⁻ dsa⁻nūuh⁻ kyaah⁺ Dio, ni⁺ miih⁻ ta⁺ jmee⁻ lä⁻koo⁻ jmee⁻
 dsa⁻ he⁺. Jmee⁺ he⁻ llu⁺ jmah⁺ ba⁺, hnääh⁺ Dio, wa⁺ lä⁻dsoo⁺ hoh⁺ kiyh⁺,
 wa⁺ hnaah⁺ dsa⁻, wa⁺ jøh⁻ hoh⁺ kyaah⁺ dsa⁻, hi⁺ jmää⁻ hñaah⁺ hwaah⁺ ba⁺.
¹² Jwërte kwa⁺ be⁺ hnääh⁺ Dio, lä⁻llu⁺ he⁻ ma⁻dsoo⁺ hoh⁺. Jëeh⁺ ga⁻lleeh⁻
 Dio hne⁻ mah⁺ jmeey⁺ lä⁻chaah⁻ tää⁺. He⁻ja⁻ kwa⁺ ba⁺ hne⁻ be⁺ kyaah⁺ juu⁺
 ja⁻. Jëeh⁺ ga⁻mi⁻jnääh⁺ ba⁺ hne⁻ juu⁺ he⁻ ma⁻dsoo⁺ hoh⁺ jee⁺ kih⁺ jwëe⁺
 dsa⁻. ¹³ Jmeen⁺ mada⁺ kyah⁺, mi⁻te⁻ lä⁻jë⁺ he⁻ ma⁻jwëehn⁺ hne⁻. Ne⁻ ba⁺
 Dio hi⁻ jmee⁻ chaa⁻ ga⁻lä⁻jëe⁺ hi⁺ ne⁻ ba⁺ Jesucristo hi⁻ ga⁻mi⁻jnää⁻ juu⁺
 kih⁺ cha⁻nē⁺ Poncio Pilato, ga⁻jäyh⁺ ha⁻ lä⁻ la⁺ ju⁻dsoo⁺. ¹⁴ Jmee⁺ ba⁺ hne⁻
 lä⁻jë⁺ mada⁺ he⁻ ma⁻jmeen⁺ kyah⁺ mah⁺ sa⁺ hlääh⁺ hne⁻ hi⁺ sa⁺ na⁻bääh⁻
 ni⁺ koo⁻ wa⁻ra⁻ ga⁻të⁺ jee⁺ jäh⁺ Jesucristo Dsa⁻jøøh⁺ jnän⁻. ¹⁵ Dio hi⁻ lluu⁺
 mi⁻jnäay⁺ Jesús wa⁻ra⁻ ga⁻lloo⁺ jmi⁺. Jaa⁻ Dio ba⁺ hi⁻ lla⁺ ta⁺. Hi⁻ he⁺ he⁺
 Rey hi⁻ kye⁻ nē⁺ kih⁺ jee⁺ lä⁻jëe⁺ Rey, hi⁺ jaa⁻ hñii⁺ bih⁺ laay⁺ jøøh⁺ kih⁺
 jee⁺ lä⁻jëe⁺ Dsa⁻kaah⁺. ¹⁶ Jaa⁻ hñii⁺ bih⁺ sa⁺ juuy⁺ jih⁺koh⁺, hñii⁺ bih⁺ gyay⁺
 jee⁺ jnä⁺ wa⁻je⁻, ni⁺ jaa⁻ sa⁺ tē⁻dsëe⁺ jee⁺ gyay⁺. Ni⁺ jaa⁻ dsa⁻ jmi⁻gyuu⁺ sa⁺
 ma⁻jëey⁺, ni⁺ sa⁺ tēey⁺ jëey⁺. Wa⁺ la⁺ juuh⁻ kiyh⁺ hi⁻ cha⁻ cha⁻miih⁻ be⁺
 kih⁺ lä⁻jë⁺ joh⁺ jmi⁺ cha⁻. Wa⁺ la⁺ lä⁻ja⁻.

¹⁷ Hlëeh⁺ hi⁻ cha⁻ cha⁻miih⁻ kuu⁺ jmi⁻gyuu⁺ la⁻, ta⁺ wa⁺ jmääy⁺ hñiiy⁺
 kaayh⁺. Ta⁺ wa⁺ kyey⁺ o⁻jøh⁺ dsë⁻ kih⁺ Dio ba⁺, hi⁻ kwa⁺ cha⁻miih⁻ lä⁻jë⁺ he⁻ hnøø⁺
 jnän⁻ mah⁺ kyen⁺ ya⁻jøø⁺. ¹⁸ Chiih⁺ hi⁻ cha⁻ kuu⁺, wa⁺ jmeey⁺ he⁻ llu⁺ ba⁺.
 Lla⁻ he⁻ ma⁺ lä⁻chay⁻ kuu⁺, wa⁺ jmeey⁺ cha⁻miih⁻ be⁺ kih⁺ hi⁻ lla⁻kyaa⁺, sa⁺
 wa⁺ chaayh⁻. ¹⁹ Lä⁻ja⁻ ba⁺ lä⁻cha⁻ cha⁻miih⁻ kiyh⁺ he⁻ mo⁻so⁻ lla⁻ nē⁺
 jmi⁻gyuu⁺ he⁻ na⁺ ga⁺ jä⁺. Hi⁺ lä⁻ja⁻ tēey⁺ chaay⁻ tää⁺.

²⁰ Timotä, ja⁻ mi⁻teh⁻ lä⁻jë⁺ mada⁺ nuuh⁺ kih⁺ Dio. Ta⁺ taah⁺ hñaah⁺
 jee⁺ cha⁻ juu⁺ he⁻ sa⁺ jmää⁻ ta⁺ hi⁺ lä⁻jë⁺ juu⁺ he⁻ kwa⁺ hi⁻ jäh⁺ ma⁻mi⁻tëe⁻
 cha⁻miih⁻. ²¹ Heh⁺ lä⁻ja⁻ ma⁻kah⁻ ko⁻llaa⁺ jwë⁺, ma⁻jmeey⁺ ta⁺ koo⁺ juu⁺
 kih⁺ Dio he⁻ jmee⁻ jne⁺ dsoo⁺.

Wa⁺ mi⁻jää⁺ Dio hne⁻. Wa⁺ la⁺ lä⁻ja⁻.